

銅鼓書常遺稟

銅鼓書堂遺藁卷五

宛平 查禮 恂叔

癸亥

人日南樓望雪同劉紫仙潘廷簡汪西顥分韻得雪字

層樓接諸天歲改春未泄登高應靈辰風舞如掌雪長松  
頂乍掩枯柳腰更折參差城闕居皚如玉山列呼朋命樽  
酒酒薄腸不熱幸有雕龍談表裏飛瓊屑農家慶豐年詩  
人喜令節欲采西園梅街南斷行轍

送西顥之閩中將軍幕

又是天涯別淒然淚滿襟那堪一樽酒重話昔年心把臂  
筵前少消魂日復深臨岐無所贈惟有醉沈吟

還家知幾日問訊北堂安夜雨湖聲急春陰野色寒爲憐  
征路遠莫使客衣單愁絕重回首斯行偉節端

炎漢初封國深知習俗違風和稷雪少土沃荔枝肥藤鳥  
啼綿雨蕉花映落暉相思須寄字春盡雁歸飛

暇日將軍府吟詩勝論兵島雲連野戍海月冷孤城候館  
勞新夢津門感舊情何時重北上春酒更同傾

花朝同紫仙廷簡堯卿集水西莊分韻得五微

茸裘未許換春衣西墅招攜坐釣磯風戛林梢禽語碎雪  
消山徑草芽肥旋開燠館催花發更拂雕梁待燕歸清酒  
一樽供小飲良辰相賞莫相違

泛舟至水西莊

出郭尋春一扣舷晴光水色好春天楊花繞岸輕於雪荇

葉穿波小似錢黃鳥啼殘深樹裏夕陽紅到小橋邊回舟已覺郊原晚兩岸蒼茫起暮煙

聞申及甫補中書舍人

六甲分司佐宰臣鳳池清淺映絲綸後庭鈴索頻宣喚可有人呼醜舍人

畱春詞和堯卿

東風吹散九陌陰花開未開春色深遊人只惜開花晚誰信花開春已短芳草如雲復如煙銜泥燕借雕梁眠幾番紅雨秋千索又是嘗梅燒筍天何人不放東風去斗量黃金買春住

送杭大宗歸仁和

一曲離歌醉濁醪南園欲別首頻搔從來身價文章重此

去湖山品望高滿屋詩書雉永日六橋煙柳泊輕舸歸程  
莫自嫌蕭瑟白眼科頭興正豪

檻虎行

南山虎跡深於椀山下行人愁日晚阿誰偷翻猛虎巢奪  
得虎兒虎怒咆黃公赤刀有神術押入圈中難得出四圍  
逼側牙爪拳偃鬼無靈宛羊質籠盛車載入市來小兒拍  
手聲喧逐呼眠則眠起則起偃蹇不及驚與駘君不見漢  
家酷吏紛羅織一怒頓生乳虎翼甕邊熾火亦有公求死  
不能生不得又不聞濮陽將軍戰若神飽則食肉飢噬人  
白門樓頭遭索縛大耳談笑居華茵彊梁失勢顏如土夙  
昔英豪誰復數憑君更看圈中虎

重五日集南園聯句送百超上人還盤山兼寄岱

瞻上人

繚曲古田盤懸崖散飛瀑

潘世仁

山鳥鳴閒關山花開陸續

禮

勝地寄靈蹤幽人緬空谷

劉文燾

杖笠飄然來笑言澹無

禮

欲趙州茶試煎雲門餅初熟

義查

青蒲插膽瓶紅榴壓茆

禮

屋重午景正佳遄歸意何速

義

蕭散結宗雷殷勤語信

禮

宿把手念孤鴻翹心對修竹

世仁

更憶棲碧菴松陰覆階

禮

綠

五月十九日集水西莊送李向叔之邠州

無端幽賞處客動故園情倦燕風回舞新蟬雨過聲吟貪  
泉石靜香拂芰荷清極目離亭路晴雲天際生

七月八日岱瞻上人過訪

曉聽窗前卓錫音僧來揮麈我披襟一庭雨過梧初落三

徑煙荒草未深沽水不妨邀淡月秋山應許續清吟眼中  
色相空還未識取蓮花不染心

雨中坐竹笠亭觀紫仙犀若對弈

尺幅勞方寸爭端轉眼空爛柯山外局一笠雨濛濛

秋夜苔花館對月與岱瞻上人禪話

一輪秋月照虛無窗外蕭蕭響碧梧館簇苔花人跡少清  
言不復別僧儒

星垂碧樹作珠林不似浮雲變古今採取天淵無限景鳶  
飛魚躍察升沈

蒲團坐破三更月藜杖看殘一片雲性海茫然空世界壑  
舟不合狎鷗羣

幾爲多聞一世忙拈花微笑卻尋常笑余三十年來事特

爲今宵一面牆

八月十日杜禹門刺史賑饑來津

宿水餐沙雁正飛  
野空忍念蟹初肥  
秋風漫引青絲騎  
夜月重經白板扉  
粥罷都亭人有數  
戶詳曹史吏無譏  
社倉誰得因君請  
朱子當年策可依

對月懷西顥閨中

如水天光入夜清  
懷人高館不勝情  
紅蕉落影浮煙砌  
老桂飛香徧海城  
寂寂關山同月色  
迢迢雲樹隔秋聲  
憑闌欲待南征雁  
寒漏泠泠已二更

重九後二日同紫仙廷簡登海光寺樓分韻得四豪

蕭蕭落葉散林臯  
興愜幽情不憚勞  
去日旣多來便少  
重



陽已過補登高未能放眼窮千島何處移山戴六鼇卻怪  
枯僧嫌寂寞鐘聲斷續吼蒲牢

苔花館月下對菊同紫仙廷簡犀若堯卿分韻得  
五歌

窗外孤峯似髻螺庭前秋色十分多當筵月白人初集遠  
浦霜清雁正過對客偏慚青眼顧寫真須借醉顏酡一生  
良會知能幾欲遣餘歡挽逝波

來蜨亭對菊獨酌憶水西莊

修竹搖西風有聲無落葉野菊擅秋容霜洗黃金顰水西  
數帆臺臺前山幾疊菊山高處壓松鬘咫尺山水愁登涉  
坐看來蜨亭邊一色黃數叢叢叢愛似攢秋蜨蜨夢冷蜨  
意癡白衣有約來何遲顧影自酌酒盈卮陶令之後誰能

詩古人寂寞今煩惱空說秋花勝春好傲霜亦有顚顚時  
照水芙蓉特先老

晚宿河西務次韻廷簡

茆店依河曲煙生暝色侵風高征雁斷雲冷夕陽沈薄醉  
非耽飲常談且整襟客中愁永夜翦燭續清吟

題墨梅冊子寄贈汪近仁處士

有客遠自蕪城來貽我一枝枯瘦梅疎花錯落老榦古宛  
若雪後當簷開客言畫者有茶癖茶舍清絕無纖埃眼前  
羅列惟茶具竹鑪火筴瓶盃時烹一碗畫一幅茶香暗  
作梅花胎濁賢清聖問不荅青杉屋下書成堆我慙雖不  
識茶味亦知畫梅塗蒼苔潑墨爲寫雪後意枝南枝北光  
皚皚關河千里難會合詩藉驛使爲良媒他日江南探梅

去定許啜茗春風臺

寄棲碧菴岱瞻上人

不見山中僧三月勞悵望遙想山中居巾瓶各無恙翔風  
吹海國遠道感幽曠靜理托名言淵情寄高唱棲碧在何  
許山氣空瀰漭殘雪冷枯泉寒雲凍孤嶂

臘八日宿普度菴

寒雲襲征裘游子淒暮色鐘聲穿樹來僧舍舊所識卸鞍  
走僕夫芻藁休馬力明薪然地鑪曲身一時直老僧話良  
辰佛粥爲進食清香溢竈觚果豆兼黍稷回頭感歲徂年  
事咄咄逼衣霑京洛塵何暇更拂拭

甲子

銜恤吟

有序

禮於辛酉痛先嚴之變癸亥臘十有四日復遭先慈之憂  
三歲中兩罹大故哀毀餘生齒搖鬢頽萬念俱灰矣光陰  
冉冉又屆小祥展拜遺像低首悲吟詩曰出則銜恤入則  
靡至嗚呼蓼莪之感人至矣哉

去年憶此夕母乃棄兒亾呼天復搶地五內無寸腸忽忽  
一載周茲辰屆小祥母今不可見遺像中堂張牲筵旣陳  
列更獻酒與漿彷彿母在時執匕勸母旁有酒終不飲有  
筵終不嘗低頭一下拜涕淚千萬行林鳥尚返哺跪乳思  
羔羊傷哉罔極恩俯仰慚穹蒼

苔花館獨坐漫成

苔館無人日漸長年光鼎鼎去何忙半窗鳥語春初暖一  
屋梅花午後香書爲貪看多強記酒因易醉怯頻嘗年來

自是情懷惡翰墨緣疎詩思荒

題履方仲兄畫蘭軸子贈蔣肇予觀察

畫蘭不在多一筆兩筆成叢窠畫蘭難畫葉反正敝斜藏  
轉摺畫根尤比花葉難一團生意根中盤鯽魚之頭丹鳳  
眼縱橫錯落交巒岈阿兄畫蘭三十載萬葉千花畫不怠  
師今仿古用意深意盡還從幽谷采蔣君重素交氣味如  
醇醪頻來沽上水嘯傲傾羣豪偶見畫蘭云可寶臨行索  
我題圖杪畫蘭雖好詩不工請君自訪蘭澤江西東

次蔣鳴夔韻送蔣肇予再任江右糧儲觀察二首

章水東流足灌輸青驄又喜出燕都灘前乍識新瀧吏湖  
口還迎舊驛夫拜手番君青浪穩經心廬阜翠峯孤檐帷  
果應重來約南浦飛雲景不殊

到日春風拂野棠  
司農仰屋費籌量  
朝廷賜復還除賦  
閭里催耕更課桑  
燕賀正空浮酒杓  
鶯遷先已卜蓍囊  
新詩莫吝頻相寄  
句裏江山定老蒼

雪中丁字沽待渡

角飛城外雪正飛  
丁字沽邊人渡稀  
遙天一望寒雲白  
村矮屋藏煙扉  
尋梅獨向雪中走  
呼渡不來空褰手  
憑誰寫我待渡圖  
戴笠披簑臨渡口  
凍柳棲鴉叫不休  
滔滔河水雜冰流  
酸風刺面吹愈急  
隔岸漁舂帶雪收

謝盤山百超釋子惠青豆

田盤老僧自犁松  
閒田閒來復種松  
下一畝豆豆花開日  
秋風前豆莢肥時  
秋雨後秋雨後雁  
南飛撥黃葉自采  
歸山厨幾夜著火  
焙顏色翠過搗藥  
山童衣封題遠寄  
海津

客香味新鮮如乍摘宛然坐我豆棚邊飽看嵯峨峯頭一片石

題張曾山盤山卜居圖爲高季治賦

古人擇鄰處今人隨地居仁里不易得名山尚堪廬名山  
薊北少惟有田盤好泉石清且佳其中足幽討高君意在  
泉石閒振衣千仞盤山顛喜逢江南畫師張曾山爲說移  
家莫若此地偏圖成特我顧悵望空山暮歲月易蹉跎何  
年果移去家具零星滿碧岑茆堂清寂松棚深有妻有子  
室以成奉母閒居不廢吟春日呼童課種花秋日花開燦  
似霞落霞淩亂驅歸鴉詩情遙繫長松桮不聞城市春惟  
聽疎林風不聞城市語惟聽疎林雨一綑芒鞋徧山踏鵝  
泉鴈嶺尋山衲棲碧菴前鹿往來陶元洞口雲開合躋攀

偶上衛公臺臺高望遠心徘徊一聲長嘯清萬籟百靈驚  
若孫登來我昔曾遊此山曲西風颯颯吹林麓千樹霜楓  
盡著丹幾叢修竹猶含綠碧雲罩寺梵音清種魚池中波  
光明層巒疊嶂無人行一片松聲和雁聲三盤看徧秋山  
色策蹇歸來歷荒棘至今夢寐恍若披此圖還期卜鄰來  
住君家側

得許渭符邑令淮寧訃音

回憶題襟日清言臭若蘭初心違捧檄永別在之官有母  
編遺集無兒拜冥餐尺書前遞去病目可曾看

銀魚謠

直沽銀魚生寒渚歲歲食魚賤如土今年魚市無剩鱗食  
魚之人如食銀嗚呼一條魚價重百金值何不割君一餐



魚濟彼貧民百室食

采芝行

我不願乘風上瑤天撥雲騎鳳隨羣仙又不願破浪涉海水走蛟騰龍跨赤鯉但願長作崑崙山下耕芸民瓊田萬畝耕千春夜來靈雨過瑤島三十六芝如曙雲繁星歷歷明堪數中有一芝名翠羽竊得天厨玉炭紅笑和白石開鑪煮君不聞南山茯苓光繹繹歲久無神成琥珀又不聞北山枸杞吠狺狺歲久不鬪蒼毛新自是山家富珍錯鼎烹不羨函牛藥他年采獲得餘閒重撰芝經附飛鶴

題馬文毅彙草辨疑後

欖槍未掃鼓聲繁碧血爭教聚一門廣福寺前草不長烏金鋪口日猶昏如何尺紙雲煙動宛似當年蟲鶴喧遙望

孤樓名擊笏千秋常鑒九原寃

題陳睂公墨梅冊子

空山藏古梅老根穿石裂疎花欲放時點點帶霜雪幽人  
圖其形紙上散玉屑閉門謝徵車結念在高潔竹邊影忽  
橫水際枝半折畧綴海紅花素豔竝清切此公胸中邱壑  
多畫梅故與凡手別自題句工書復工吁嗟鄭老具三絕

殘歲寄百超釋子

松風謾謾冷僧寮歲晚山深斷采樵聞說今年霜雪重黃  
精根凍未生苗

上方精舍足幽棲獨坐長吟到日西一縷茶煙數聲磬  
嶢峯下石雞啼

乙丑

正月  
五月至

人日風雪交作暮霽對月獨酌

春氣寒於水吾廬冷若冰一樽人日酒片月雪窗燈顧影  
何妨隻吟情轉欲增更深眠未得曲檻幾回憑

雪後小直沽逢周月東

偶作郊外游積雪迴風舞茆茨緣岸低隱隱鳴社鼓林空  
挂寒暉徑仄斷荒陽日午動炊煙野爵噪聲聚忽逢東郭  
生殷勤握手語詩肩聳若山心遠貌益古相期春候暖看  
花具雞黍話久日西沈月色照南浦

春寒

臘雪連春雪春寒過臘寒養梅瓶凍裂呵硯筆敲殘曉日  
侵檐淡東風入幕酸擁鑪聊自詠書卷不能攤

上元日有鸚鵡入苔花館成五絕句

滿院春風寒未收誰家鸚鵡過牆頭兒童解事還多事閉  
入金籠話不休

前年彩蜨戲花陰亭得佳名直至今若使翠襟來日早合

將來蜨改來禽

癸亥歲苔花館東北隅小亭落成適有五  
色蜨蜨集亭內數日始去因名亭曰來蜨

牛能識字鶴能歌丁鄭風流近若何從此不須頻喚客定

教朝夕學吟哦

有隄無口貌如羊鉤吻丹珠汝獨彊百鳥莫如鳥鳳異可

能度曲合宮商

趾分前後各成雙性不宜寒避北窗何日更添秦吉了恐

爭笑語未能降

### 春望曲

春晝長春色淺深院無人風力軟朋來乘興一登樓樓頭

簾捲珊瑚鉤殘冰剩雪堆牆缺匝月餘寒尚未收流光冉冉如飛鳥未到花朝春尚早填倉舊俗志良辰對景莫辭今日飽遠寺微聞渡口鐘女牆歷歷夕陽紅仰望更疑天有外一行雁字沒長空美人何處調絲竹隔巷遙傳離別曲曲中哀怨不堪聽鸚鵡杯深春酒綠春酒綠勸君觴春來有酒不盡醉春去誰憐君斷腸

王生吟

有序

王生名御天桐鄉人父客死天津生未知所在聞信徒步走三千里齧指出血徧覓於津城西荒冢閒竟得父骨遂負以歸嗚呼西郊之原客冢纍纍其不得首邱者可勝道哉豈盡無子者哉若王生者可以風矣

河邊白骨紛如雪河上旅魂泣霜月誰人半夜聲悲哀淅

西王生尋父骨王生家在梧桐鄉團圞父子安耕桑父兮  
遠遊子在舍歷歷不復知存亡一旦客自津門至與父同  
遊鄉各異問父今年在何地謂父形骸空壟寄王生哽絕  
徐復蘇麻衣竹杖行崎嶇角飛城邊盡荒冢欲尋枯骨春  
模糊割兒指頭血滴親原上骨骨朽尚有苔血深光不滅  
千山萬水負骨歸肌膚慘黑容顏摧兒呼兒哭父不應白  
楊風起聲淒悲嗚呼漢王陵晉溫嶠伏劒絕裾愁不少何  
似王生負骨返松楸寒食年年一祭掃

雪後招岱瞻同紫仙季冶過苔花館分韻得十四  
寒

一館何幽寂閒吟得古歡半窗春色淡滿徑雪花殘老衲  
禪心靜詩人禮數寬斜陽畱不住小酌餞餘寒

花朝喜萬循初自陽山至招紫仙汝咸驥調江臯

季治岱瞻及履方仲兄集苔花館分韻得人字

料峭東風

拂海津征鞍乍喜拂征塵三年別去多新句

後別

循初有江船縣齋北郭諸集

萬里重來得故人薊北有花春已半嶺南

無雪事還真相看莫說離懷闊且盡樽前酒八脣

悼亡妻李安人

十六年相共茲晨影忽孤淒涼帷畔影彷彿病中呼舊物

諸般在遺言一句無盈堂皆縞素痛定復長吁

庭草含愁色林花帶淚開還疑經日別猶望暫時來藥裹

紛難拾衣襦亂作堆尤悲小兒女驚顧不知哀

夜枕神無定春衫淚不乾倉皇勞客慰顚顚畏人看後事

惟同穴前途已蓋棺老親頻涕泣何術與承歡

題履方仲兄春風圖爲陳江臯賦江臯時年五十  
春花拂砌紅春水環郊綠讀君春風圖寫我春風曲春風  
飲人醇若酒灩灩山桃濯濯柳五株晴絮颭門前千樹晴  
霞迷渡口迎春月浮春煙午風暖晚風顛春風駘蕩年年  
至二十四番信所自欲繪春風風無形桃柳卻滿春風意  
阿兄點染入生綃筆底春風聲欲起問春何歲上古八千  
年問風何來天池九萬里

春夜對月

花落春將晚東風暮尚寒可憐今夜月不作昔時看放眼  
輪空滿低頭影自單雲鬟香霧句字字盡愁端

長別離

游絲飛空百尺長春風吹斷隨飄揚春來繾綣簾帷側春



去天南與海北海水廣且深天涯曠難尋願爲共命鳥莫  
作單棲禽但知甘苦交相倚不道睽違隔生死浮雲黯黯  
慘河梁望斷東西溝內水溝水自東西生死苦相思相思  
苦作斷腸曲腸斷人閒長別離

圓圓嶺頭月旣圓旋又缺月缺魄還生不似人閒永離別  
青苔滿戶塵滿堂鏡臺銷歇羅衣香平生攜手路搔首空  
晨暮年光隙中駒形骸薤上露入門亦自念新衣未必新  
衣適如故昔爲鸞與鳳今爲參與商昔者常相竝今者空  
相望長別離長離別哀歌悽愴誰能節絃斷秦箏不復膠  
江頭枯竹悲聲裂

水西莊側營亾妻厝地

生寄死如歸亾者土爲宅日時未云利遑暇謀窀穸西郊

永豐屯園地頗閑隙灌木若叢生蔓延草萊積翦刈得畝  
餘權厝非逼窄開囊卜青烏曰吉莫他擇面河水勢急水  
齧岸常圻培築使之堅鳩工計千百上繚四周牆及肩纔  
數尺還藝柏與松庶以奠營魄回思其游衍曾此數帆席  
誰知幽窆存俯仰感今昔

乞高季治書亡妻權厝志銘

余生太屯艱風木感誰訴喪偶又繼之形影自相顧牛眠  
未協卜草簡治喪具暫竊衛河漕陶甓護風露墓誌宜永  
藏例亦及權厝所愧懿行微未有奇特著萬君吾篤友鴻  
文照連璐記述幸不誣取裁合程度韓環必雙引越劒豈  
孤鑄不得孟公書何由耀丹素孟公筆力健銛鋒殺秋兔  
揮毫倘不惜寵過萬金賻弱質藉以傳寧徒慰泉路窗明

日影靜硯凹墨瀋聚礪石待摹鐫翹足若寒鷺

浴佛日招劉紫仙潘廷簡吳驥調陳江皋萬循初  
高季治集苔花館分詠陸鴻漸茶具得都籃

茶具紛零星斂藏復有具博士意周詳篋叟急先務截竹  
剖雙單纖閣兩交互初看三角斜旋見方眼露玲瓏尺五  
高長短皆合度提攜泉石閒摒擋慎封護大體在包容何  
暇述細故載錫都統名職司太貞素譬諸良友朋佳日盍  
簪聚萬事無不然經箱書作庫

蔣孝子行

有序

蔣孝子行爲遼陽蔣君韶年作韶年父國祥爲長蘆運使  
乾隆丁巳以事謫戍踏拉侈羅而臺去京師數千里韶年  
屢求代父不得壬戌五月出塞省覲復懇臺帥帥憐之爲

奏請

詔可父歸尋卒韶年旋亦放還所戍地苦寒惟宜種黍相傳古屯田處有二碌碡猶漢時舊物云

塞草何茫茫春有積雪夏有霜誰與出塞衝霜雪蔣生代父去朔方蔣生家本冠蓋里堂列鼎鐘門列棨一朝槩折里門摧阿父遠謫陰山之北陲牽衣啼阿父塞外地寒苦阿兄且治家阿弟隨父去隨父去不如叩天闥長槐夾道下有嘉石肺石可以通訴言刳肝持作紙滴血持作字父能旦夕還兒能代父遠安置蹉跎志未遂日月潛推遷兒嗟不見父屈指已三年三年鬱鬱度寒暑萬里終當省阿父男兒敢辭馬上勞地下陳情天上許兒出關父生還兄當奉庭闈弟當老陰山

聖主恩情更稠疊前許出關今許入歸來涕泣守松楸墓  
上風塵邊外雪蔣生蔣生真孝子至行遠追曾與史我爲  
作歌風閭里言辭不文意樸俚金管欲書空視此

蘆筍聯句

已過河豚時蘆芽尚如筍

萬光泰

葉短未紛披苗長盈尺引

潘世仁

虛中方夏茁直上員波隱

禮

鬚繁雜薜苔根屈互蛇

劉文煊

纖纖迎曲渚采采陟幽吟

高

搜爬不厭深擣拾俄

成捆

光泰

販夫喧巷市野客動頤吻

世仁

買歸比竹萌異嗜繼

莒本

禮

濯泥蔑自牧批籜璞在韞

煊文

畱尖斂手柔去老利

牙齦

銘

牽連玉切珥搖漾水浮準

光泰

登筵快鮮新入口屏

肥腴

世仁

居然山澤癯不與煙火近

禮

又如嘗太羹平淡有

餘蘊

煊文

解熱借寒水清神佐良醢

銘

闌干盤易空輔頰響

還殷光泰昏氣殊非薤苦味異荼堇世仁淡泊志可明咄嗟辦  
或窘禮多嘗生疾疾老饗幸節擢文白露零蒼蒼西風一  
宵緊鎖

乳燕和循初韻

又見梁閒燕生雛舞院中語成音未老翅掠羽初豐哺食  
猶勞母隨飛尚借風卻憐小兒女不與爾相同

誠女

空牀長見暗塵浮嬌女詩成記室愁臨几正須人教繡當  
窗不解自梳頭今朝門內言誰命昔日燈前課最周七誠  
無忘勤誦讀西園回首感松楸

銅鼓書堂遺藁卷五終

男淳孫  
樞校刊

銅鼓書堂遺藁卷六

宛平 查禮 恂叔

乙丑 六月起

曝書日招劉紫仙高五雲憚哲長潘廷簡周月東  
吳驥調陳江臯陳東麓朱秋亭萬循初集隱書樓  
分賦天津古蹟得逆河

大禹疏九河八支一爲榦入海復同流奔騰勢雄悍石城  
有故道風雨久淪漫或云在浮陽長波尚輸灌經生好聚  
訟畫地少成案千年紙上言贏我望洋嘆桑經不可續酈  
注誰能贊歷陽化作湖長水沒無畔盈虛理豈無得失自  
茲判復觀溝洫志迎逆字改竄新莽好讖符百度夢絲亂  
忌諱到河流愚陋資笑粲端居閑一室塵事脫羈絆源流



溯夏殷典故攷秦漢鉤盤蹟未湮徒駭身堪按空憐袁本  
初猶憶公孫瓚卽今興水利稽古得條貫芻蕘可獻言廊  
廟有勝算平湖通浦澈斥鹵生葭薺安能溯洄尋一辨南  
北岸

六月十三水西莊作是日亡妻歿已百日

春風上巳隔泉臺屈指今朝百日來死後語音空記憶生  
前容貌已疑猜兒孤淚落扶枯木母老心酸奠舊醅每到  
西園腸欲斷夜深惟望夢中回

荷花生日招高五雲潘廷簡吳驥調陳江臯萬循  
初集藕香榭題明陸叔平福昌院圖卷子分韻得  
二十五有

句吳城內甘節坊古寺重元自梁有陸卿捨宅因瑞雲廣

袁周遭五百畝宋時始改承天名或號雙戟爲土阜鐘樓  
經閣相對開銅佛中供無量壽其閒北院名福昌諸院原  
從一寺剖自經劫火恣焚燒壞屋敲椽屢腐朽能詩文士  
楊儀曹挾客閒游月在九偶題小句金橘黃澹飯清香適  
齋口同時和者沈祝兼蒲薦松牀共揮肘通靈妙墨世易  
失後起松公稱上首補圖更倩陸叔平仍寫三詩附於後  
吁嗟叔平畫品高落想不與時俗偶輦錢如山求一縑閣  
筆無言但搖手細看此幅益瀟灑瘦竹高松閒槐柳簷牙  
石角曲折成筆意濃纖不少苟我愛吳鄉去未能披圖仿  
彿逢良友咫尺雲煙什襲珍畱貽孫子千年守他時檣棹  
近吳臺勝地信如茲畫否

六月二十七日也萬循初孝廉以余號藕汀

爲作藕汀圖見贈因自題三首

外直中通碧玉莖任移漁艇結鷗盟我生適際荷生日卻

怪荷花先我生

六月廿四爲荷花生日

低斜水榭柳垂絲澹澹波光淺淺池筆到空濛天影接勞  
君更譜藕汀詞

參差蓮葉晚來香秋後陂塘風雨長記得青藤詩句苦不  
須重畫兩鴛鴦

貯天泉聯句

北地秋始梅

李定業

柱礎潤於沐涼雲興四郊

萬光泰

急雨灌

羣木建瓴似湧濤

禮

布帳旋張幅長繩四角絳

高

積水中

心蓄繞院集盆罌

定業

沿階走童僕承露笑金莖

光泰

擬潤接

筓竹勝澗置筒車

禮

驚流挂飛瀑喧聲雜鼓鐘

續

濺沫循

堂屋小汲已千瓶

業定

深藏俄百斛空齋憺無事

光泰

嘉客來

不速參差較泉名

禮業

次第試茶錄辟寒桴炭攪

鑲

去滓縑

囊漉隨風用杓揚

業定

弄月待手掬有耳鎗共移

光泰

無突竈

須復紫玉玦浮沈

禮業

藍英末攢簇比峽似尤清

錢

較雪頗

不俗敬宜醴酒先

業定

味亦太羹樸新經續桑臚

光泰

舊品廢

張陸巖居甘可分

禮業

瓢飲樂還獨貞茲君子交

鑲

勿果小

人腹

業定

岱瞻上人至自盤山同廷簡循初季冶以心清聞

妙香爲韻得妙字

披雲望海津隨風下雲嶠盤山秋色深津門日西照往來

不覺遙相見惟一笑在家猶出家我獨憐同調高枕愛吾

廬靜比僧房妙開軒集同人拈韻憑舒嘯良朋只二三挑

燈受禪要古情不易得世事頗難料人生無百年何當論  
老少因果如樹花君看花影掉形滅神何存千秋亦徒弔  
八月六日雨後廷簡循初季冶岱瞻集隱書樓時  
樓前秋花盛開分韻得庭字

隱書樓外戶常扃高下秋花滿一庭細雨初收蟲尚語涼  
風輕拂蝶旋醒禪心擬就名僧證談笑無妨陋室銘月透  
虛窗聊泥飲天光遙入竹樽青

寄汪西顥閩中

閩水蕩瀆淪閩山森巖巖佳人天末別我三年遠年遠  
悵索居相思惟素書去憑孤飛雁來憑雙鯉魚魚雁屢空  
寄離情復迢遞風雨聽雞鳴相於賴難弟弟昨自南來話  
舊勸深杯爲言兄曠隔惻愴中心摧心摧正相憶旋道當

來北引領望征帆遲迴不我卽曉樹何晶晶夜月何盈盈  
思君在朝夕不覺桂花生

水西莊晚望

闌干倚徧恨無涯渺渺烟波望轉賒日暮水禽池上過數  
聲啼老白蘋花  
欲去重還步晚林愁懷不展似蕉心空園秋色秋聲亂獨  
對黃昏淚滿襟

重陽後二日過海光寺

已過登高候林塘古寺空雁隨霜葉下人坐磬聲中颯颯  
荒階草蕭蕭破壁風老僧因臥病閒却菊花叢

鷺筴歌

角飛城邊黃葉飛角飛城上冷斜暉健兒捲蘆作鷺筴塞

恨關愁吹一一此調本是伊涼徵羽聲憑虛引氣鳴不平  
天河下垂星斗明孤眠旅客夜起心魂驚我非征夫非羈  
旅復感悲淒淚如雨含愁似怨關山阻復似臨岐斷腸語  
初聞鼻辛酸再聽摧心肝饑猿嘯絕壁落雁啼清湍在昔  
李袞關雎稱善手紛紛巴里今何有宛轉餘音隨折柳長  
松敲倒枯桑朽空房歸來行莫偶三嘆不堪重回首從今  
願遣蘆葉不復生庶使人閒永弗聞離聲

雪夜

雨雪霏霏冷透檐鑪紅香細手頻拈昨宵月影看初缺今  
夕風聲頓覺尖薄酒誰從愁裏勸寒衣自到夜深添不眠  
頗得安禪意我與孤燈色相兼

十一月五日同廷簡循初向叔季治泛舟訪周月

東不遇還過洪濟北極水月諸菴分韻得素字

仲冬河未冰潞水猶可溯漁舟檣岸久喚客起寒鷺須臾  
縱棹游晴光散林霧故人居不遠轉眼茆屋露鄰煙動午  
炊鵲聲噪枯樹入門偏悄然狼藉惟茶具不聞室中琴空  
脫戶外屨同人急呼舟徑往無復顧紺園舊可尋次第隨  
閒步初逢竹院僧旋謁蓮臺塑更探水月影鏡花徵妙悟  
回看月一鉤人散斜陽渡往蹟竟誰畱拈毫寫心素

冬日同紫仙廷簡驥調江臯向叔循初季治水西

莊分賦寒事得裏桐

有序

桐北產也嶧陽孤桐紀於禹貢楚邱琴瑟詠於衛風然性  
實畏寒冬日以稻薪上下縛之來春始華予考古種桐法  
正二月閒以黃土拌柅末少許或盆中或地上上覆土寸



半許時時用水澆灌使土長濕待長尺餘移栽則至冬不用苦蓋是術也予將試之

枯枝未作爨薪聲特爲龍門護半生藉用白茅知物重棲來青鳳待巢成關心空井雙株冷回首虛窗一葉驚佇望東風解束縛繞簷花發正清明

臘八日同朱崙仲周月東戴闇成潘廷簡吳驥調陳江臯陳東麓楊涵遠萬循初高季治游海光寺酒後以冰牀代馬校射爲戲予因作歌自哂

嚴風栗烈嘉平月朔朏纔過俄八日竈觚豆粥似飴稠古寺焚香齊拜佛約我同心儔牽拂城南頭不蹄不輪亦不舟連翩共坐冰牀游冰河一片如明鏡卻隔天光不倒映雖非平地無風波烹羊炙酒樂事多酒酣興發爲詩魔忽

思觀德示正鵠將牀作馬氷作陸一篙反比四蹄速三矢  
遞發手眼忙我矢旣直我御良勝者持觴負者飲醉看日  
落煙蒼蒼子虛烏有公無是萬事回頭均等耳來春氷解  
牀何用追風逐電自古皆有死吾生不如祖逖鳴先鞭又  
不能短衣匹馬看射猛虎終殘年夏蟲語氷劇可憐笑問  
坐中客謂吾然不然

望日喜家堯卿姪來津集苔花館同紫仙廷簡循  
初季冶分韻得十四寒

話別河干上分襟一載寬去披霜葉冷來踏雪花乾綠酒  
傾樽滿奇書啟匣殘牀頭文史足勉讀且加餐

示淳兒

古人勤志學多在十五前讀書兼勵行不受外物牽嗟汝

質本魯惟魯古最賢希賢詎敢望爲學志宜然孩提賴母  
慈訓育其仔肩今年母忽逝至性幸無遷旦起入書塾夕  
歸號重泉何以報母慈庶幾功苦專嚴冬氣凜冽澤腹冰  
益堅不見坡下羊跪乳隨母眠不見巢中鳥反哺隨風翔  
汝母不可復饑寒應自憐汝母不及待敬養惟空筵志須  
知所立學須習所傳母誅顯何年在汝心拳拳

題王履仁衡山採藥圖爲李向叔作

王郎肘健下筆勁寫照不須問名姓圖中有客肖向叔古  
貌宛然頭角稱云是昔年歷南岳拖筇戴笠探幽徑山童  
隨處亂泉聲結念欲窮草木性晴雲橫斷老松根天風吹  
落金樞鏡山中倘遇李八百乞取刀圭保長命

歲晚集水西莊同季治向叔分韻得五微

酒債殘冬急詩情入醉微隨風掃落葉無月繼斜暉天曠  
雲鴻斷水堅水鳥稀思家座有客未肯遽言歸

丙寅

正月十日海光寺放魚用東坡西湖放魚韻與具  
區廷簡循初堯卿同作

水底拾魚如拾塊隔水鞭水如鞭背水開水活魚拔泥一  
道渾流橫似帶野翁矜物恣朵頤便擬攜歸充斫脰可憐  
鬣損尾俱紅更惜鱗殘首竝碎呼童鬻取全其生脫命庖  
厨入淵瀨駭鹿仍歸豐草閒羈禽重出雕籠外雪消南郭  
閒相逐舊事西湖偶成會漁人晒網趁斜陽月吐寒光照  
東海

題沈松年風木圖爲家七倫兄作

樹常欲靜風不休風摧枯木幾能留古來孝子娛菽水不  
忍歿後思椎牛吾兄侍伯藍水涘膝下承歡似鄉里玉關  
終未共生還至痛獨傳圖畫裏年來吾亦泣皐魚丙舍松  
楸啼乳烏猶有蓼莪遺屋在愁看風木舊時圖

處時亦作  
風木圖

夢我書屋  
先君廬墓

東木來自滄州經宿卽赴都門邀飲不至

簾外春風已四朝君來卻值落燈宵看花最喜梅連屋敘  
別何嫌酒一瓢不道高軒人易去空餘西閣月難邀殷勤  
爲寄京華字歸路重經慰寂寥

題張長庚春江話別圖爲履仁作

苧村有桑者品與倪黃倫昔看畫徵錄夢寐懷其人王君  
天末來顏色何溫溫示我春江圖筆底無纖塵鴛鴦湖水

暖二月繁花新垂楊拂青萍盡是江南春是時愁話別載  
酒迷芳津畫意半詩意無言妙有神我非畫中人烏能寫  
其真何年共君往把釣湖之濱

送潘廷簡孝廉歸仁和

春風日日吹平蕪潘子束裝將出都問君行色何忤促客  
久思歸湖上屋湖邊晴翠抱孤城幾載夢斷湖水清畱君  
不住執君手未別且斟臨別酒憶昨蕭齋相見初交期何  
啻陳雷如宵分短燭朝研露點易論文忘日暮春鷗秋蟀  
俄五年一旦日歸情黯黯然人生未得如麋鹿終擬棲巖同  
卜築蒼雁蘋鱗莫久疎尺書頻寄慰鰥夫長林漠漠浮雲  
遠君到西湖春漸晚摘茶挑筍吟新詩鄉物定應異舊時  
春夜苔花館聽楊天益彈琴

戚戚復戚戚空階夜岑寂山人抱琴同月來月光入戶琴  
聲哀起如十二峯頭雲乍散孤猿三叫悲腸斷止如十八  
灘頭水潺湲落雁一聲念離羣我琴無絃桐梓綠化作孤  
生嶰谷竹感君慰我良宵愁更奏人間離別曲吁嗟乎山  
人爾琴誠太悲愼勿再彈烏夜啼愼勿再彈雉朝飛

三月一日招岱瞻釋子紫仙循初向叔季冶堯卿  
集苔花館素食分詠席閒蔬菜得嫖姑

瓊田誰遣產雲芽竹蓐桑鷺未許誇雞足竝塤支翠梗蜂  
巢攢簇抱空槎神清合化松閒雪道遠猶含塞上沙便當  
維摩香積飯好邀天女散天花

上巳紫仙循初向叔季冶玉衡堯卿書山集水西  
莊以蘭亭序分題得修短隨化

西郊宿草青歲紀一周復忽憶蘭亭游壺觴屏絲竹念昔  
還悼今彭殤互歌哭去水逝不回來日轉如轂夢無黃梁  
炊碁少爛柯局修短共斯須奇節亦鹿鹿壽與天齊傾仍  
恐歲月速達人悟遷流行樂追秉燭回首看斜陽吾思劇  
蒙谷誰能向扶桑更將飛晷東

題王履仁嬉春圖冊子用楊鐵崖嬉春體第二首  
韻爲吳驥調作

春風醺人如酒濃提壺閒踏春山空垂楊自織煙外綠好  
鳥靜啄花閒紅短衣露頂作狂客豐貌怡顏疑乃翁今年  
春色添春季勝事較前同不同

是年閏三月

題王履仁之閒圖冊子爲東木作

少時讀孟子分途識利善孳孳無不爲俱自雞鳴判作狂



或作聖一念千里遠愚夫惑羣紛失足墮塗炭智者審其  
幾隱微若顯見吾宗有老孫異書歷覽徧逍遙樂林泉世  
味莫歆羨偶然渡清江北游壯畿甸近訪沽上友討論繼  
昏旦王郎善寫真朗朗頗毫粲擁被念前修雞鳴夜過半  
屬余題小詩警策登道岸自愧學力微茫洋隔河漢還書  
孟子辭餘語不能贊

晚晴同循初作

一雨惺忪過斜陽透竹關落花情帶別棲鳥解偷閒垂柳  
風中線奇雲天半山何須攜蠟屐徙倚勝躋攀

靈雨不止紫仙犀若循初季治履方仲兄同阻水  
西簡詩四首

天末陰雲濕不開詩人齊上數帆臺敲碁纔罷重看水展

齒時應徧古苔

板橋泥滑浸迴瀾  
土嶺煙深密柳寒  
日暮漁歌來極浦  
水西半似白蘋灘

重簾不捲落簷花  
盡日閒吟手獨叉  
莫笑空齋太蕭瑟  
夜窗兩部有鳴蛙

蟬聲寂寂鳥聲稀  
涼氣侵人薄葛衣  
爲問愁霖誰作賦  
句慚康樂勿余譏

方于魯墨馬歌謝家堯卿姪

方大澈製墨古作墨馬  
歲壬午王爲水黑非白黃  
午爲馬類非牛羊賦形肖  
物各有意豈效名畫曹霸  
江都王明時墨推前後方  
羅邵吳程次第爭頡頏今  
見此馬最神駿不獨墨良  
馬亦良勞君脫贈光案几  
君癖真如王武子牀頭

有書多闕譌嗟我癡叔雖有佳墨何能磨

十月一日集水西莊同紫仙循初季冶堯卿書山  
分詠寒柳得一先

萬縷千絲一望捐裂膚風起大隄邊腰殘不作章臺舞情  
盡空餘送客憐色減九秋仍有葉寒交十月早無蟬憑闌  
誰寫蕭疎態依舊斜陽帶暮煙

自題畫梅扇頭壽吳中林

古梅滿溪礪疎影浮清冷輕煙淡披拂山空石氣清高士  
惜晚晚美人悅娉婷賤彼桃與李春日榮郊垞昔賢圖歲  
寒松竹無凋零中有嶺頭樹芳潔配長齡呵凍畫數枝幽  
香凝短屏遙知屋下叟端坐方勘經

雪後紫仙招同犀若循初季冶堯卿書山飲雪舸

分韻得五微

城上雲同雪片飛  
雲開雪霽月臨扉  
共憐踏凍詩神王  
莫道驅寒酒力微  
五夜開樽疑水國  
一椽如舸傷魚磯  
遙思魯望傳文宴  
何惜論交與俗違

立春日李同人員外過訪苔花館招同劉紫仙王  
具區萬循初分韻得十七條

青旂昨迎春斗杓  
夜東繞土脈回微  
陽漸覺寒風少  
詩人遠道來逸興  
出塵表唱和繼松  
陵雅飲追竹篠  
流光逼歲除俗事  
欣無擾莫惜漏聲  
遲高吟堪達曉

銅鼓書堂遺稿卷六終

男淳孫樞校刊

銅鼓書堂遺藁卷七

宛平 查禮 恂叔

丁卯

人日劉紫仙招飲老是齋遲汪西顥不至

黏雞感時序翦燕懷芳辰誰登定王臺極目望早春明燈  
照良夜過飲劉伯倫觥籌紛錯雜歡笑驚四鄰言念都下  
客遠自南海濱萍蹤茲又近有約來天津咫尺隔關河迢  
遞空音塵惟覺交情舊欣如物候新愆期竟誰咎忘形負  
我真且盡樽中酒離懷難具陳

寄上方山達聞釋子

歲首風日佳春意漸鼓盪滿城沸簫管昇平徵豫暢遙念  
上方靜孤雲棲疊嶂僧房無俗氛山光復無恙入定毒龍

降摩空健鶴放妙悟運虛靈枯坐隱色相我愛山中梅老  
榦虬龍狀幽香遠莫聞瘦影疎誰傍未得踏雪尋日落徒  
悵望何時信宿畱不須攜紙帳

吳中林過苔花館見盆梅已放有詩見貽依韻和  
答

春光自此漏機關有客尋芳獨往還樽酒未開詩早就幽  
人何處夢九閒祇須坐石邀殘月應勝騎驢遶遠山更說  
西溪梅最古相期放棹水雲閒

送萬循初之陽山

春寒夜靜同翦燭濁酒一杯歌一曲曲終未終愁復愁離  
情別恨聲斷續丈夫意氣重慨慷肯因離別生悲傷無如  
萬里客他鄉五穀無味花不香同行誰是舊時友一身一

僕劍一口嶺樹蠻煙路正遙淚落春風馬回首

寒食過水西莊雨中作

歲月侵尋歎擲梭身同泡影感滄波水西寒食煙九冷門  
外梨花雨正多悶檢殘書人懶讀喜添新漲客須過可堪  
載酒呼漁艇獨把魚竿濕短簑

題錢舜舉明皇幸蜀圖卷子

延秋門外夜烏啼翠輦平明已向西不比驪山遊十月年  
年綵仗簇鞍齊

玉貌騎驢緩更嬌君王回首尚魂消佛堂梨樹逡巡到可  
惜咸陽路不遙

汾水秋風旅雁飛聞歌想亦共沾衣鈴聲閣道淒涼雨彈  
指圖中伴侶非



金東隱先生詩集卷一  
二  
天寶繁華一夢中空將遺傳付陳鴻金釵錦襪供黃土愁  
絕傳神習懶翁

上已後二日劉紫仙吳中林朱崙仲吳驥調陳江  
臯姪堯卿集飲來蜨亭梨花下分韻得一屋

春色共六分四分去何速晴光豔暮春遊人麗春服童冠  
不可追禊事遲堪續雖無山水佳自有好花木一開塵外  
襟集此樹閒屋門前雪色幽檐際煙如縠靜看蝶影迷妥  
處鶯聲熟卻笑早梅寒橫斜老空谷更羞晚杏紅抱潔媚  
幽獨家釀撥新醅園蔬充野蔌飽任亭上遊醉卽花下宿  
低頭各沈吟舉頭同醒目新月忽西垂詩成互把讀天籟  
激清音不必絲與竹

詠苔

落花時節燕初來  
春雨纖纖長綠苔  
深淺無人知所自  
轉羞萍是絮爲胎

結客少年場行送魏功夏中翰還廣昌

門外落花高一尺  
春風披拂垂楊陌  
挾彈難逢遊冶兒  
舉鞭卻遇長安客  
長安宮闕入青雲  
臺觀東西象魏分  
幾見獻書丞相府  
不妨長揖大將軍  
鳴珂原說金張里  
結交何論貴公子  
趙璧無雙且贈人  
吳鉤一笑緣知己  
萬卷填胸意氣豪  
清波屢染鳳池毫  
紫薇宿處鐘初靜  
黃紙書成日未高  
別來幾載章江夢  
歸去吳帆北風送  
沽水千杯濁酒傾  
津城一夕清談共  
走馬翩翩自少年  
鬪雞空復五陵煙  
尋常不作慷慨語  
匣中長劍倚青天

四月一日阻雨八里橋

清晨理行裝出都已過午前途趁斜陽忽見山雲吐僕夫  
急驅車樹葉驟鳴雨疑來破浪船還聽射潮弩朔風衣袂  
寒泥塗馬蹄阻輾轉向危橋橋邊茆店古停車復解鞍氣  
結不能語安客坐繩牀炊煙動篷戶推窗水漸高篙聲雜  
柔櫓惟有漁者閒簑笠未云苦須與棲鳥啼孤燈伴羈旅  
深夜夢難成簷流亂愁緒

### 大風自燕郊至百草溝

雨聲聽徹夜雨歇曙雞鳴理鞍就征途泥滑卻復行燕郊  
喜在邇曉市咸趁晴飢腹聊爲餐黍飯兼豆羹大塊忽噫  
氣樹颭屋瓦驚飛沙遠拔塞千里陰霾橫咫尺不可見何  
以趨前程僕夫氣更豪力與盲颭爭攬轡鳴長鞭轉覺馬  
蹄輕昨知雨易阻今知風可迎息駕百草溝夕照慘不明

兩耳遽難靜四壁寫餘聲

重五日訪崙仲不遇

三閒茆屋靜一徑短籬遮綠竹新抽葉紅榴老著花到門  
迎稚子問客動鄰家貰酒人何處徘徊日已斜

沈確士自吳門詣都停舟見訪畱飲舍南小築

學士聲華舊江湖理釣篷遠辭茂苑月暫泊直沽風枉道  
勞攜杖開門快翦蓬清樽照短燭一笑酒顏紅

題朱振公未信圖冊子爲郭怙菴觀察作

汾陽世胄多奇英建旄仗節江漢清麒麟不局萬里駕更  
踏秋風榆塞下歸來華髮鏡中多慷慨還吟出塞歌檢圖  
偶比昔時貌豐頤丹頰今殊少彈指流光二十年儒生本  
色尚依然當陽武庫才無敵手把一編常不釋書聲遠遏

楚江雲竹馬咸思郭使君松姿鶴采遙堪挹未得拜君空  
竚立健筆凌霄乏楷模數縑如對魯公書何時一渡桑乾  
岸親就墨池看染翰

早秋月夜懷周月東

虛檐鳥聲寂暝色入柴扉秋至梧桐老涼生豆莢肥一庭  
花影碎三徑足音稀此際河干客知應帶月歸

采菱曲

瓜皮船船影綠湘竹篙篙影曲篙長船狹入水寬菱角齊  
齊萬花簇去年水深菱葉深釧聲入水深難尋今年水淺  
菱葉淺苔痕砌水淺柁轉水淺水深難預知菱多菱少亦  
隨時春早種菱秋早擷流光暗與波光移妾住水中洲郎  
居水上樓聞歌疑覲面舉棹隔波流裊裊菱絲疑織翠願

郎莫學菱絲脆纖纖菱刺繞柔波願郎莫學菱刺多風輕  
舟小平於掌唱徹菱歌明月上水蓼花紅秋夢爽夜闌更  
撒千絲網

秋夜聞早雁

候雁南飛急空庭夜色闌影隨秋月落聲帶早霜寒萬里  
關山遠千家砧杵殘懷人孤枕上遲恐雪漫漫

贈王崑霞道士

曾住齊雲第幾峯何年北上寄遊蹤名從白社吟中得謂  
臺倡和集人在黃花冷處逢垂老心情同野鶴未衰筋力付孤  
筇一囊斜挂秋風裏徧踏天涯訪赤松

送李開地歸吳江

相逢仍草草握手向河干風細帆初穩秋深客漸寒尋常

臨別語聊復勸加餐屈指吳江路霜楓葉正丹

九月晦日馮計六司馬招同王崑霞吳中林朱崙  
仲余犀若周月東陳江臯高澤公心穀伯兄履方  
仲兄集南溪送秋分韻得五歌

自別重陽景易過秋惟今日更如何同人莫識悲來處開  
口無妨酒後歌吟瘦菊英花事盡飄殘楓葉雁聲多誰堪  
一夜西風緊沾水寒深凍白波

阻風畱宿海光寺分韻得十蒸

岸有艤舟莫敢登阻風蕭寺伴孤僧窗明喜得畱人月壁  
暗還添照佛燈禪榻坐來僵似鐵吟髭撚罷冷如冰夜深  
遠聽濤聲響殘夢回時尚曲肱

題沈畹叔侍御所摹杜文貞公小像

未謁少陵祠草堂寂寞窺何時得觀少陵像顏色生如千  
載上隱拙齋頭摹寫工寫貌還如寫隱衷開元天寶君臣  
盡孤影獨弔萬山空千四百篇詩卽史憂國憂時託微旨  
何年招得彭衙魂未覺飄零未陽死披襟戴笠歷險夷躑  
躑誰與論安危棧雲劒閣虛無裏鞠脰遙拜南池水

寒夜近圃步月

燈火村頭暗家家揜竹扉疎林無剩葉殘月有餘暉隄外  
孤舟泊天空一雁飛尋詩憐獨步霜氣冷侵衣

小雪後二日履方仲兄招同趙飲谷劉紫仙王崑  
霞吳中林朱崙仲余犀若陳江臯馮計六高季治  
心穀伯兄家堯卿姪集舍南小築賞盆菊同用歐  
陽永叔希貞堂東手種菊花始開韻



我荒三徑常杜門疎懶不避旁人誚舍南有菊仲兄栽招  
我看花樽一倒叩門雜遝過高軒知兄意不私所好悵憶  
陶公望白衣籬邊形影徒相弔烏皮小几倚窗前種種名  
瓷射光耀藥仰花垂蜀錦張或如解語或解笑就中黃色  
品獨高點石稜稜露孤峭最宜弄影夜懸燈隔簾小立窺  
窈窕更取寒英秀可餐踰期轉遲霜信報誰聞小雪菊始  
花意必栽培有祕要秋容未老豈知冬應勉同羣弗輕躁  
卽景何殊洞裏天安得對酒人常少

雪後近圃晚望

連朝且怯裂膚風雨雪紛紛叫斷鴻徧野乍驚衰草白平  
臺近倚落暉紅雞啼茆屋寒煙裏樵斷荒邱冷樹中塵世  
閒愁盡忘卻獨傾杯酒望長空

十一月五日招同劉紫仙王崑霞吳中林朱崙仲  
余犀若陳江臯馮計六伯兄心穀仲兄履方遊郭  
氏園林

聞說秋前花補栽  
穿池苦屋徑重開  
河流不共門牆改  
依舊潮聲早晚來

小小茆亭仄仄橋  
最宜人處有疎寮  
天寒補鞞尋詩到  
冷淡生涯借一宵

城南積潦冷沙洲  
洲上飛鳴集凍鷗  
枯柳幾株平野闊  
斷霞殘照水明樓

荒煙漠漠入林墟  
小艇迎流打槳徐  
自是今朝非亥日  
沙頭舉網故無魚

是日備漁人打魚  
至夕不獲一鱗

數徧歸鴉遠近村  
酒闌燈上正黃昏  
蒼茫暝色愁難破  
旋

透疎林月一痕

題東坡贈李方叔馬券拓本後

東坡先生出玉堂，僣從奕奕生輝光。  
車前騰蹕有二馬，竝是君恩寵賜者。  
東南水國例肩輿，一馬乘之一馬虛。  
故人卻遇李方叔，無馬無輿行蹢躅。  
脫驂以贈敦古情，杭州太守多賢聲。  
復恐他時馬或賣，特書公據爲馬戒。  
方叔家貧芻粟空，馬瘦售難生計窮。  
山谷老人更書券，定價應須二十萬。  
不惟得馬且得書，馬雖不足書有餘。  
嗚呼二子風流傳世永，舊搨至今猶峻整。  
古香幅幅飛煙紆，墨光豈異天閑駒。  
我家寶此若球璧，日夕摩挲賞遺蹟。  
千金駿馬誰能易。

題王履仁飲馬長城窟圖軸子爲惲哲長作

秋風蕭蕭苜蓿肥邊城夜雪如沙飛朝來騎馬踏邊雪河  
水成冰寒晨暉圉人牽馬循河窟白草連天馬蹄滑遙憐  
一掬清冷泉中有千年征戰骨太平時節無烽煙屬帳羶  
廬人晏眠箭鞍在腰弓在手短衣射虎南山前憚侯好馬  
如韋諷笑倩王郎寫銜鞍何年出塞歷燕然更爲天家  
勒碑頌君不見燕頷班超飛食肉良材駕馭須良牧壯心  
誰肯羈騷

雪後得汪西顥閩中夏夕坐戎幕西池見寄作依  
韻和荅

載酒清狂憶次公草元寂寞老揚雄魚鱗屢寄燕南字蛟  
脊仍論海上功殘雪光陰無客伴徂年風景轉丸同西池  
山翠應如舊翹首疎梅畫角中

來詩云別來何事堪持  
告日日山光滿目中

石榴

安石畱佳種冬筵薦酒新銀盤光奪目珠顆綴如鱗皮剖  
宜書壁花開憶過春千秋槎使蹟紅綻復精神

寒夜獨坐苔花館

不堪殘臘底愁坐寂寥人文史三冬歉撚髭一字貧窗寒  
燈漸暗硯凍墨難勻吟罷誰相和惟須酒入脣

戊辰

正月  
至五月

題竝轡圖

竝轡聯吟一水閒詩成馬上看青山香塵繡陌馳情處芳  
草難尋舊路還

過慶國寺寄周月東

故人家在河之北水邊茆屋半敲仄朝來走喚渡河船急

溜淺水渡不得卻尋精舍過浮橋禪話偷閒空百役僧試  
新茶煮剩雪想見故人舊顏色故人臥病還卷舌月東近抱風疾  
語言不正不吟而瘦久謝客何日須跨煙外驢與我共分松下  
席老衲拈花一微笑覺我詩思猶塵跡人果何心我無物  
松有枯時煙瞬息

寄岱瞻釋子

老衲憚崎嶇避險入平陸田盤山水佳遺跡畱空谷本無  
一塵染何用八解浴訪道轉差池因人徒碌碌譬鏡無蓄  
影照形還自觸但宜物外遊靜參幻境熟偶爾事紛華轉  
恐浼幽獨急當返空山面壁休欲速

李鐵君過訪畱飲苔花館適余有都門之行不獲  
久畱賦此志別

閉戶讀古書頗識閒靜趣積蘚繞階除孤蹤寄徐步幽人  
忻見過握手話情懷酌以一杯酒論交道親故潞水君方  
來青門我復去高懷雖傾倒合并苦念遠相思白髮生相  
別感遲暮良會自有期投膠固吾素新詩若秋水塵土無  
著處吟罷暮雲橫夕陽淡煙樹

黃村道中

東風猶峭寒入骨利於鏃策馬辭故廬田野景堪逐輕煙  
生遠壟黃村忽在目倚樹編茆籬緣岸結茆屋農家抑何  
閒婦姑竝雍睦始知畊俗淳坐享靜者福循牆更北行南  
園路尤熟此日息春蒐呦呦聽鳴鹿

宿立禪菴同潘廷簡高季冶分韻得十三覃

西郭麗夕照青山淡晴嵐驅車信行邁塵土撲兩驂行行

數十里暝色昏西南新月旋又落疎星仰虛舍老馬飢且  
疲夜行路不諳遙村燈火微向黑時一探須臾及旅舍客  
滿我何堪前途愼崎嶇按轡重趨趲石橋沙口橫春林暗  
幽潭徑仄多曲折途窮得荒菴馬鳴尚蕭蕭鐘聲自緜緜  
佛燈耿窗牖煙篆裊香龕殿前接古檜僧房走瞿曇老衲  
呼不起堅臥如僵蠶禪榻借半宵良友惟二三誰能四大  
空自笑一味憨坐此十笏地頓消五欲貪共擬象外遊聊  
款箇中談身閒愜靜境心寂窺妙參獨憐詩有癖甚於酒  
是耽吟到雞欲鳴一枕幽夢酣

花朝廷簡過近圃小飲

草草營茆屋沿河一徑斜閒來立學圃久立爲栽花梅塢  
連詩社魚磯傍酒家最憐帆影過拂樹帶殘霞



故人京洛住乘興不須招馬尾攜琴薦車前挂酒瓢春風  
猶未暖宿雪已全消肯作田間侶何妨暮復朝

題李子雅太常柳陰垂釣圖卷子爲高常侍太守  
作

微颺拂水生迴淪沙上晚晴空釣綸滇江去官饒逸興蓑  
笠乃作煙波民煙波之民貌清古有魚無魚默不語著船  
高柳清陰多任爾斜風和細雨李侯畫手洵奇絕筆底溪  
山自旋折何時寫我坐清沽一片空波釣殘月

送潘廷簡宰太湖

螢案懷民社分符此日行一麾初釋褐百里卽專城山表  
司空氏湖疑震澤名烹鮮聊暫試何以慰蒼生  
沽水春流緩相將憶去年校書同翦燭琢句每當筵別夢

花村雨行旌麥壠煙河魚南北近芳訊定能傳

題沾上校書房壁

故紙鑽研作蠹魚一生難盡古人書不爭亥豕由來誤竊  
恐朱黃此去疏聊藉家藏充腹笥未堪謀食代耰鋤卯金  
曾有然藜說可似揚雄傷石渠  
不飾穰題不畫梁結茆環堵也成堂偶憐竹色通鄰塹爲  
避花枝矮螭牆漏盡三更嫌夜短陰分一刻喜春長論文  
近復多良友窗暖時添墨瀋香

寧郡王過津見訪舍南小築敬賦

海內咸推德業尊高軒何幸過衡門勞心王事功尤峻  
接席春風氣倍溫鳳尾詞新承雅教山家禮簡愧清樽河  
間自昔稱謙抑行訟誰如此日敦

荒祠遺烈傍松楸曾奉鸞章筆力遒

王曾書七政爭光賜額懸先七烈祠

四

字崢嶸輝土壤千秋鄭重寶銀鉤

盛朝不啻旌廬感懋

德何須結草酬惟報昇平勤護惜從教榆堡勝眠牛

紫禁朝回麗日長東園泉石自徜徉籃輿探蹟乘高嶂

王嘗

遊上方諸山

花譜牋名及傲霜

著有東園菊譜

冰雪聰明懸藻鑑雷霆

聲勢屬文章不煩僚佐稱開府獨擅才華見老蒼

暮春招同劉紫仙吳中林朱崙仲張曦亮陳江臯

萬循初高季冶家堯卿睦周姪集近圃分韻得十

一陌

春深氣暄和繁花滿籬柵爰作郊外遊何必山中屐河塢  
隙地肥堪藝麻與麥昨歲小經營版築堵俄百軒楹藉茆  
茨啟牖見阡陌遠非辟疆園別爲甫里宅農指及牛蹄亦

頗費籌畫不勝畚鍤勞自信詩書癖方愈采薪憂頓覺煩  
襟釋開樽泛鶯黃擊鮮金鯉赤味長惟菜羹野蔬近可摘  
孤亭聳樹閒平疇當几席村翁負耒歸好鳥鳴向夕薄醉  
娛嘉賓刻燭勝賭奕

立夏後一日登海光寺樓

人生真幾何彈指春又夏佛閣峙城南登覽及清暇綠洲  
魚具陳撲岸盡魚舍迢迢新綠生水暖白萍化沙畚草自  
芳何不種諸蔗否或樹桑麻其利竝可射籌茲庶富謀吾  
亦願耕稼日夕淡煙波蘆灣閒柳汊獨笑心跡閒鳥歸吟  
始罷

苔花館遲高澤公上舍不至

日斜人不到月色上窗虛得句無多字閒將竹葉書

樹密足音稀靜如空谷聽落紅夜更多深沒蒼苔徑

四月晦日雨中招循初季冶集沽上校書房分韻  
得沽字

小圃衝泥過沾衣雨似珠南人船代馬北地水名沽階靜  
垂紅藥池深浸綠蒲驚心將仲夏布穀已交呼

題項孔彰松陰高士圖

胥山老樵客不屑俗士伍平生好畫松枝葉最疎古白衣  
餽酒來手寫空壘與壘中桃柳枝亂作春風舞茲圖亦寫  
松百樹密難數下坐兩高人相對寂無語但看松陰深缺  
處松雲補松根立瓦亭松頂見橋柱飛泉石罅流噴瀑漲  
漁浦晴煙起夕嵐濕氣成山雨披圖想幽境几靜日當午  
動我躋攀心空巖結徒侶

銅鼓書堂遺稿卷七終

男淳孫

林樞校刊

銅鼓書堂遺藁卷八

宛平 查禮 恂叔

戊辰 六月起

六月朔日 乾清宮引

見恭紀十六韻

南薰闔闔啟百爾觀

宸楓輦路趨來肅觚棱望處崇習容人踧踖列仗曉瞳矐  
花影周廬側槐陰閣道東初隨銓吏入共在近光中茅拔  
欣茹彙葵傾喜照同仙冀舒一葉瑞鶴侍三公念切颺言  
愼儀慚拜手工

天顏輝日角

睿聽邁堯聰乍仰文章煥回瞻象魏通普天皆奉朔何地

不呼嵩位次班聯定才多疎附充姓名蒙

特記草野感微躬

是日部曹四人禮特蒙記名

臣職冰淵勵

君恩盼睠隆退思驥尾附敢謂馬羣空願矢涓埃分馳驅

荅

聖衷

百草溝展墓

先壠隔山縣展謁每逾年春晨履霜露俄鳴灌木蟬驅車  
出青門烈日中天懸迤邐過通路河水清漣漣遙望見丙  
舍草棘荒數檐遂瞻冢上樹濃陰已嬾娟五鼎古所重一  
官今偶銓何當去羈縛常此守墓田

登竹閒樓晚望

消盡浮雲天際寬小樓檐壓碧琅玕日斜漸覺風來爽月



上應摧暑氣殘歸馬羣嘶苜蓿地征帆齊泊蓼花灘憑欄  
遙指京華路回首空勞思渺漫

畱別心穀履方兩兄

也愛棲遲里巷閒年過三十等跳丸懸弧漫說男兒事捧  
檄聊承老母歡驛路非遙纔信宿家書最重是平安叢叢  
煙樹東西屋永日心隨沽水瀾

荆樹田家有幾人隔牆相喚笑言真窗前難得青燈舊鏡  
裏俱憐白髮新世事風波驚後淡人情骨肉老來親對牀  
他日如聽雨定說東華踏軟塵

自楊村至蔡村隄行三十里漫成

暑氣逼人癡孤雲出岫奇不知馬上客何事苦吟詩  
林陰蟬共噪隄外水潺湲獨有漁樵靜無言自往還

沙頭環密樹樹裏有人家盡日柴門閉籬根長蓼花  
沿隄三十里一曲一回長古驛綠楊外樓頭紅夕陽

七月一日煤市街寓齋對雨遲萬循初家堯卿姪  
不至

三伏氣鬱蒸赤日午尤灼官曹晚稍閒歸寓興磅礴雷聲  
忽殷地陣雲乃頓作須臾白雨來疾若髀箭落大風復鼓  
盪天地啟橐籥檐溜垂修修居人震索索微涼爽襟袂塵  
土靜城郭焚香讀古書濁酒還獨酌言念沾上客來都前  
有約夜夢寂長檠晨興誤鳴鵲遲遲累朝夕咫尺離思各  
詩罷已黃昏雨過捲簾幕

曉過高梁橋

萬翠如帷覆曲渠紅闌宛轉曉風疎高梁橋下高梁水一

路潺湲送客車

遠寺鳴鐘暗渚煙晨星幾點逗吟鞭閒鷗浴罷荷香處屈指重來已九年

立秋前五日 圓明園侍奏

五柞長楊 御路遙柳陰深壓玉驄騎觚稜隱約如三殿  
豹尾周圍近九霄景過方壺紆勝地仙從員嶠佐 熙朝  
林棲最羨宮鴉穩也傍朝曦掠苑橋

題董孚存學士秋江返棹圖爲王履仁作

前年相逢沽上雪披圖曾話春江別

履仁北上時張長庚徵君作春江話別圖

以贈今年共踏東華塵披圖欲棹秋江雲秋雲如絮江如練  
布帆斜展如歌扇疎林隱映遠山青滿耳江聲楓葉零棹  
歌莫唱吳江調夜靜江寒不忍聽

西廡望西山出雲

西苑傍山根西廡地尤曠周覽謁奏暇  
皇居信宏壯羣山青邈迤環繞若屏障  
朝來雲氣深萬態更難狀凌空匹練懸  
垂壑銀濤漲一峯乍沈浮衆峯漸鼓盪  
畫師逞善手薄粉飾丹嶂金碧非俗工  
結想千載上

雨後游王氏懽園

濕雲涌西山薄晚蒼翠隔灑街秋雨疎  
雨止日未夕言尋槐市園蹶躡振瘦策  
入門見頽垣斜照在五礫蟬聲斷續  
長樹影參差碧徑草欲齊肩苔痕沒高  
屐孤亭一徙倚涼思滿蘿薜自足滌煩  
襟誰信炎暑赫微風動絺衣喬木感疇  
昔舊慕辟疆名今慚子敬跡

西苑聽蟬

禁苑日舒長深綠潤亭館山禽時弄吭水鳥亦刷翰鳴蟬  
喜獨清泉聲應池岸中有塞外音不與羣翼亂鹿盧疑卷  
舌聯續若珠貫誰能譯象鞮焦桐譜殘爨蟬近年西苑有聲極似蒙古語音故名蒙古蟬信知皇風遙邊圉汗亦渙昆蟲識朝宗  
接翅度海瀚久立塵盧消夕陽隱峯牛荷香逐歸人餘音  
猶未斷

喜汪西顥來都下畱飲寓齋

秋後苦伏熱緣街少行輪束帶曉獨趨白汗流絺巾晚歸  
敲脚臥暫學羲皇民忽聞剝啄聲相見得故人故人六年  
別回首如千春豈無尺素書雲樹隔七閩此來欣偶合何  
時去海濱秉燭劇談笑高歌氣嶙峋乃知意中侶偏於意  
外親極歡翻似夢疑信總情真招呼衆同好流連可十旬

余量本小戶酒亦不計巡微風掃塵翳蔚藍啟秋旻須慮  
分袂近莫厭握手頻

太和殿早朝

聽鼓晨趨待漏車千官魚貫寂無譁鞭聲乍起簷端爵旗  
影遙分天半霞殿級香濃開彩扇宮懸風細靜崇牙是日太和  
門設樂不作微臣纔綴鵷行末何幸身親近日華

出左掖

花外徐看綵仗移赤墀拜罷各歸遲衣沾涼露辭鼇禁身  
惹餘煙過鳳池樓迴回瞻雲氣接門凹側聽履聲隨深  
宮日旰猶勤政敢說從容退食時

過雙遂亭訪白輝遠員外

白傳遺亭舊人稱履道坊風流千古在交誼兩家長往事

懷書局同官問墨莊平生看山屐此日喜登堂

清瘦虛舟筆簷陰

一榜懸

亭額爲王若霖太史書

峯高空疊石池曲

淨流泉老屋遮風雨孤桐洗暮煙重來登傑閣憑檻意悠

然

過法源

卽憫忠

寺觀唐蘇靈芝所書寶塔頌碑

長林夾立森蒼官葉聲颯颯風雨寒唐年古寺小巷內兜

羅地淨輝朱丹因僧索觀寶塔頌緩步廊腰花影動方碑

一片委牆陰歷代已過遼與宋齟齬詰屈讀未全竊嘆奧

義難宣研砢然得解如破竹前者當後後者前文言維唐

歲作噩天宅幽都鎮戎索璿衡金鏡正乾坤億萬斯年奉

龍躍御史大夫愬且賢聿割珍俸崇福田戈鋌地突荷威

力幢相建樹徵慈緣功曹參軍爲作記胄曹參軍爲書字

至今翠墨耀僧房鐵像易州堪竝峙我來不見淨光塔只  
向殘碑繞還匝何當更許挾氊椎竹膜隄麋百番揭日斜  
歸鳥喧簷楹禪扉欲閉粥板鳴迴車小巷人寂靜遙看殿  
角雲閒橫

游索氏舊園

西苑清嚴地名園作直廬山光晨到幔泉響夜鳴琚共戶  
通高幰分堂駐小車信知恩澤潤侍從盡安居

園自入官後

賜近臣分舍居之

不喚游人入猶容下吏來松根閒繫馬花頂獨登臺曲折  
藤梢挂嶙峋石齒迴憑誰殘粉本皴染一縑開  
尚識金張舊當年甲第雄笙歌連館榭綺繡炫奴僮炙手  
浮華歇迴腸故蹟空惟餘十圍樹猶自吼秋風



閏七月九日蔣質甫司農招同朱玉階編修小餘

平臺望淨業湖三首

北城幽且曠一水通城根遠來韋平第延眺及林園高臺  
緣磴上不覺登頓繁瞥然爲俯視已比樓閣尊古木暗茂  
樾清流迴漲痕遙知闔闔外曲遶山泉源泉聲流入戶山  
色晴當軒此閒信疎豁無復塵市喧

日轡馳羲和閏秋秋尚早涼風碧樹知葉響殘蟬抱晚葉  
斂落紅顛倒箭輪老猶畱萬柄葉濕翠勝蓬葆湖壩作水  
田分畝種秔稻眷茲黃茂時益念稼穡寶徒倚憑雕欄橋  
影隔隄草鹿鳴閒鶴聲茲境宛瑤島

地官掌邦教職守何繁多維公政優暇皎若絲貫梭退食  
招末吏開筵肴核羅亦有門下生相對笑語和逡巡過三

爵顏色各已酖屢感誨語真全忘禮法苛隨意憩磐石脫  
帽無喬柯遲回戀清景斜照浮煙波

十一日雨後下直次陳世南學士韻

雲霄星影動羽騎繞山行曙色當樓款荷風拂水生 殿  
高窺岫近雨過喜塵清徐見千官集珂聲次第鳴

獨坐接葉樓

事了須閒坐園空不困心小亭倚古木滿地落涼陰窠石  
秋來瘦蒼苔雨後深新詩頻索和細看壁閒吟

荅吳中林司馬過近圃見池荷方開寄懷卽次原

韻

小圃無多地詩來述勝游荷香初破夏樹老已鳴秋塵榻  
慙嘉客清流羨白鷗何當亭上憩長日聽農謳

陳世南學士招同薄圖南通政高常侍太守汪箕  
臺比部高季治布衣集一經齋食蟹醉後走筆

秋深天色如揉藍日夕官曹罷晚參鸞臺學士雅好客折  
簡招呼過巷南棣華姻婭齊入坐郭索登盤似盤大臍團  
螯健膏脂肥味美須用薑醯佐自笑卜築曾住魚鰕鄉年  
年八月蟹腹飽稻芒邀朋分擘還舉觴不數河豚之白江  
蠟黃今年京國走塵土嗜蟹偏來無蟹處幸多漁戶遠搜  
羅馬駝車載販秋雨君熟爾雅快大烹頗勝鱸膾與蓴羹  
援琴爲君彈秋聲彈作大蟹爬沙行更闌燭跋人醉矣有  
酒無詩情曷已狂歌一曲劒斫地負此雙螯兼八跪

秋日同循初季治澤公堯卿遊萬柳堂晚過夕照  
寺分韻得境字

益都昔秉鈞城陰闕幽境穿沼疊阜岡地廣未滿頃聞當  
全勝時客半紫薇省余生嗟已晚東望常引領往歲曾數  
過林屋尚完整今來秋氣空登涉衣裳冷策杖上高岑臺  
危矗雲猛一桁遙山青不盡雙目騁野禽避人飛木老禿  
枝梗西風嘯虛堂亂棘埋層嶺井外分蔬畦轆轤轉修綆  
菰蒲鳴蕭蕭積水激見影回車叩僧扉落照留餘景烹茶  
坐疎寮默聽鐘鐘魚靜龕深有古香熒熒佛火耿徐步心益  
清閒吟發悟惺

八月十五日同循初季冶堯卿游黑龍潭遂尋風

氏園

京華三龍潭同德興有滄南城地最邇專祠祭非諂攜朋  
趁良辰菜畦走冉冉隔水聞鈴聲到門門晝掩廢砌臥蒿

花闕牆吹小獫參差樹根坐靜聽風葉颭還窺方丈池石  
井口微舁泉深莫可測細淪自搖潤循崖長菰蒲傍渚多  
菱芡平生煙波懷結屋羨草厂復聞風氏園咫尺路不險  
舊傳一松古詰屈翠雲染樵斤不肖赦電火幾回閃遂令  
梁棟材摧折等桑壓夙願未易酬遺蹟今難檢臨流感盛  
衰塵念從此斂

移居宣南坊用蘇東坡書王定國所藏煙江疊嶂

圖王晉卿畫韻

有序

余家世居京師禮髫年讀書城南之孝義鄉榆垓鎮旣乃  
僑寄直沽二十年來雖時入青門轉覺如寓客矣今歲夏  
就任農曹正陽門外煤市街舊有老屋數椽湫隘不足容  
井爨秋九月移居宣南坊庭多雜樹更有古藤數本陰屋

二三閒足供憩息灑掃之暇作詩以簡同志往者田蒙齋  
郎中移居粉房巷詩和者徧都下而吾家初白菴主道院  
槐窠棗東三集俱以寓齋名卷禮不敢繼踵前輩惟少時  
游處之地今得復借一枝聊記歲時不欲概等諸傳舍耳  
築堂未得依深山卜廬仍棲九陌煙巷北移居巷南住朝  
來家具何紛然入門一笑林木大蕭蕭落葉聒耳如鳴泉  
參差瘦石延苔蘚彷彿輞口兼斜川古藤數架蟠屋頂晚  
花數種羅階前遙想六月乘涼庭下坐不見赤日行中天  
又想春山百卉競開放朱朱白白交暄妍卽今秋意稍搖  
落景色亦豈輸田園平臺覓句自朝暮空軒讀易忘歲年  
急須蒔菊繞窗檻更欲種竹圍嬋娟客來主迎屐可倒客  
去主閒林可眠人生俯仰容膝儘已足寧必重樓列觀尋

臞仙移居作詩昔有例況吾故里多前緣揮毫草草投近局曷不和我遙續南村篇

哭岱瞻釋子

白雲無跡水無心二十年來誼最深棲碧菴成人已歿

結樓碧菴於盤山之柴背遊山詩在我空吟丙寅秋余邀岱瞻遊懸題上方二山記游詩刻有集

瓣香有屬秋風冷孤塔長埋暮雨侵他日重尋柴背路幾

行清淚灑松林

九月十日招同王崑霞道士周石帆學士朱玉階

編修申及甫中翰萬循初孝廉高季治布衣家堯

卿姪於陶然亭補登高分韻得五微

有序

登山桓景記出齊諧送菊鍾繇書傳魏帝期過九數敢云來日無花飲恰八仙共曰今朝再舉爰問黑窯中廠如尋

藍水高峯拄笏非遙連山晚翠披襟在望繞闕晴雲映  
寒色於蘆漪奏疎聲於松吹忘言車馬南西門亦是東籬  
卽事壺觴兩重陽何拘五字

昨夜西風感授衣攜朋今始叩僧扉憑闌獨有冷然意把

酒何妨送落暉九日纔過黃菊晚十年良會故人稀

庚申九月

二日余於陶然亭預作登後期轉瞬猶前約笑指青山莫

遽違

### 送高五雲大令之任保安

京國交情舊關山宦跡遙此行驢背雪正度渭南橋

寒夜王崑霞朱崙仲萬循初高季治家堯卿姪集

借舫分韻得九青

羽士通儒術詩人解道經霜風重幔冷岸舫一燈青鍾度



疑潮落更深覺酒醒抱寒吟不穩鑪火似殘星

暮歸自曹署坐古藤籥下閱案牘畢夜深寒甚挑  
燈獨酌醉成七言八句

天街奔走少寧居窄巷歸來卸短車煤竈驅寒冬夜寂酒  
樽回煖燭光餘事當疑處應參古官到閒時擬著書案牘  
雖勞心頗靜何妨吟破五更初

長至前四日周元木上舍過飲筍巢用少陵小至  
韻畱詩次韻以荅

流光冉冉隙駒催已去年華不復來白首誰新情似夢青  
山自老色如灰寒侵古屋身圍火雪壓南枝未著梅且喜  
故人閒話久甕頭酒熟盡餘杯

爲顧備九孝廉寄題補溪芙蓉莊有序

芙蓉莊有明顧松菴先生之別業在常熟補溪西三里補溪在虞山之東四十里平橋曲水絕類輞川繞隄叢植芙蓉故以芙蓉名莊松菴爲宋處士顧細翁六世孫由烏程簿遷雲和令以平處州劇盜有功遂擢守處州未任卒莊有紅豆樹結子名相思子爲細翁手植樹旁立翁祠明末莊歸某尚書繼復歸顧氏今孝廉備九松菴裔孫也

涉江未采江南香長歌爲詠芙蓉莊芙蓉莊新梅里古遠隔春申黃歇墅虞山東去補溪西客來問花先訪溪污泥不染波如劃君家世世原清白陽水作吏在縉雲君家鄰縣稱神君劇盜就誅同斬草御史書功上上考一麾出守卽本州惜哉未展平生籌流傳別業重鄉里一樹相思常結子祠堂霜露薦蘋蘩平泉偶築尚書園尚書詩編紅豆

集不記誰種鸚鵡粒轉電光陰感歲華芙蓉仍作故園花  
折花笑問芙蓉主花譜何如治縣譜

摩訶菴

初地城西路幽深足嘯歌數聲清磬杳冷翠老松多山暝  
看雲起僧閒愛客過誰將微妙諦一一證摩訶

十一月四日招周石帆吳樸庭江嶽南萬循初高  
季治吳驥調宿長兄弟吳鑑南家宣門兄堯卿姪

集古藤移分賦寒林圖

叢木荒原合參差冷色披澹煙橫半樹殘雪在高枝漠漠  
鴉棲處蕭蕭月射時營邱營未就一望起悲思

李成有大  
小寒林二

圖

小寒前七日同萬循初高季治吳驥調履方仲兄

家立功姪過陶然亭看雪

雪聲一夜鳴天籟雪滿城中復城外曉風嘶馬入城行暮  
出城門雪未晴諸公好事耽吟興同上危亭尋曲徑後來  
笑我登臨遲不知晚景看尤奇松林何冉冉寒鴉飛點點  
茆屋何斜斜寒犬吠家家微茫畧識西山岫倚檻蕭蕭籠  
兩袂爲問圍鑪煮雪人何如載酒雪中逗是日李向叔家  
堯卿並畏寒不  
至雪光浮白夜色催琉璃地照琉璃杯陶然亭卽無垢國  
遠勝羅浮萬樹梅

題循初孝廉玉蓮圖爲馬立本孝廉作

海內五嶽何嶽最稱奇二華卓立金天垂層巒疊阜千里  
望難盡三峯高削青蓮枝馬君文章抱奇氣遠吞灞滻連  
涇渭絕壁峭崿呈駛駭怪壑盤迴隱經緯自言家本新息

侯近代乃始遷邗溝仲宣不忘秦川舊聊藉詩卷當登樓  
萬子畫筆尤清瘦畫出河湄一峯秀仙人彷彿局可棋玉  
女依稀瀑堪漱我思君文真濯玉井波直成湍激曲成渦  
明星祠前列宿二十八一一化爲菡萏盡向心胸羅不然  
峯頂孤寒勢巖嶮那得果有如船之藕十丈荷我作狂歌  
聲振木何時同跨林閒鹿雲外須尋箭栝門煙中更訪車  
箱谷

謝陳秉之相國惠灤鯽

尺半灤河鯽西風乍上罾清流想孤竹

灤州本孤竹地

名士憶江

陵斫處應成雪攜來尚裹冰翻分鄭相餽臨食感何勝

瀛臺宴進剿金川將士

敵愾蓬婆遠酋稱的博非遐方徵戰士別殿集戎衣行帳

周如屋崇垣靜啟扉盤匱中使肅博碩大烹肥坐比干城  
列心隨羽檄飛 恩宐歌湛露功必誓褰旗邊將恭承算  
天庭靜握機一麾宣懿德萬里播雄威借箸看摧朽連星  
待合圍勒銘知在邇旋見六師歸

調馬歌

訓兵已過日未晏羶帷初卷水邊殿廣場千尺鏡紋平雪  
盡苔枯馬足輕魚龍變幻呈百技駐馬欣看調馬戲旗幟  
遙如鳥翼開鸞策一聲一馬來來馬僅作前騎引紛塵後  
騎旋袞袞或如子晉乘丹鸞吹笙空裂天關寒或如宓妃  
步羅襪翠羽淩波波滑笏或如舞劒裴將軍劒光翕施騰  
紫雲或如弄丸楚奇士十二參差丸不墜或蹲或立或倒  
行或單或疊或參并信知此技古無有草野傳聞駭童叟

方今金川憑虎嶠跳梁小醜猿與狙我軍緣壁青冥上  
廟算已成同指掌習勞小試耳目歡搜巢搗穴奚稱難兩  
階文德休干戚剋日臣書有苗格

冰嬉曲

嚴寒結水堅如石太液池水厚逾尺宸遊樂與民同之  
萬幾之暇爲冰嬉踏冰有履履有鐵冰鐵相銜若相齧履  
平鐵側走不紆舉趾乃似刀割塗分行結隊辨旗幟五綵  
繽紛琉璃地繡絲成簇錦成窠冰人有翼池無波一旗忽  
動一行起一行方趨一隊止已誇羣出直於繩更訝飛追  
捷於矢復聽喧呼競奪標圓毬鶻上中天拋兩眼疾視四  
肢勞失勢一跌齊譏嘲忽俯忽仰宛桔槔弄鰾勝玩秋江  
濤重排高架懸孤注臂挽雕弓腰白羽髀鳴鏑響毬亂舞

後者欲前前者去以身爲帆足爲櫓旋轉乘風那得住我  
皇蒞政閒且勤奏事不廢東西門小臣寓目躬幸親歸家  
傳述猶津津何人閉戶抱束薪彼哉夏蟲難與論

同人分賦北地消寒具得煤鑪

西山石炭賤於土小閣嚴寒北風苦召我埏埴工作鑪茶  
竈同鑪已紅茶亦熟炭無多火經宿

寄葛摺書

凍雪壓緇塵庭柯分下上折瓊願有貽關山阻且廣葛君  
蹤最闊秦薊邈天壤薊門夢迢迢秦川思浩蕩憶昔逐歡  
游朝夕恣讌賞苦吟共擘箋痛談卽撫掌妙墨幽古香餘  
音奮逸響一日不相見渺若三秋想分手在河干輕風送  
蘭槳魚雁各沈浮陳跡感俯仰遑知歲序更但見兒童長



回首覺寒多高情如月朗無梅寄隴頭因詩述疇曩

歲晚荅高澤公見寄之作

筠筒百里寄閒關佳句清於雪後山車馬歲除還似織夢  
歸沾上一燈閒

得家星南兄書中有政事以勤爲主冠裳以靜爲  
要二語眞座右銘也賦此寄謝

拙須補以勤動則制以靜於斯信未能能不愧從政吾生  
本寡昧黽勉受一命竭蹶恐未遑聲名敢馳競阿兄隔江  
介著作衛先聖食貧常自安奉職因我慶尺書走老僕千  
里不辭病二語最慙歉洵足周砥行勤當不憚勞靜當恆  
主敬傲慢豈近情疎懶本非性韋絃佩兄語官箴盡可屏  
執此永無愆兢兢守中正

以新韭冰魚餉薄啟東水部啟東以詩言謝次韻  
荅之

印牀官閣閒初鎖琴軫風簾靜可彈小物偶投桃是木清  
詩翻博玉爲盤迢迢土室新芽罨栗栗冰河舊網寒更擬  
西窗頻剪燭夜闌時對酒杯乾

啟東以家製餅餌見餉賦謝

報贈纔收百顆珠又煩寒具出郇厨重羅細裹經方祕慢  
炙勻蒸火候殊作賦有才誰似束當餐無說可慚吳拜嘉  
未了兒童飫不羨公羊膾馥腴

春秋以公羊  
爲賣餅家

己巳

正月  
至三月

過太液池

駸駸匹馬走長虹池上樓臺金碧中紅粉牆邊春較射錦

衣人試鳳凰弓

遙青數點見西山解凍風來春已還試看金鼇橋下水堅  
冰初泮聽潺湲

正月九日入

見乾清宮

命

臣禮

佐郡滇南二十五日復蒙恩召見

改官粵西恭紀

入官纔半載黽勉勵夙興農曹本繁劇陝右事益增隨班  
旅進退自顧無寸能何爲祁奚舉翻令後者升軍行正旁  
午同憤荆舒懲欲辭我何敢悚惕惟冰兢

晨趨

乾清門百職分行列

楓宸親召見一一賢否別其次分守符其上秉使節就中  
滇最遠郡貳有遺缺曰惟臣禮宜往哉勿停轍握衣蹶蹶

還萬里事羈縻

蠻酋忽革面鐵馬將旋轅轉輸事稍暇各自安鹿轡 九

重宣臣禮六詔可無煩桂林楚南服改調出澧沅引分竊  
自思臣本宜邱園離親就遠道烏私誰代言

皤皤白髮親聞之意惆恍寄書重勉勸命兒須速往阿兄  
愁遠離卽日振鞞執握手黯別魂語語關痛痒蓬飄無近  
蹤雁飛止遐壤人生出處岐忠孝古難兩

草橋道中

村路平平幾度來短籬孤店少塵埃東風上冢今年早未  
見山桃似火開

咫尺都門萬里身草痕從此襯車輪兩行山翠如含睇先  
過橋來送遠人

桃花口望西淀

裊娜春林煙吹青入河柳我乘桃花風又到桃花口縈迴  
西淀水一鏡映馬首啞啞歸塞鴻斷續落蘆葦微茫見漁  
艇遙羨煙波友青莎閒白蘋垂釣且飲酒西沽看漸近去  
夏憶分手別來半載餘相隔殊已久奔波慚淵渟蓬轉愧  
株守何當租沙田於焉種菱藕

雨中約高常侍太守過近圃看杏花

西郊春水綠於螺小圃新苔碧似莎詩速故人須早過酒  
邊聽雨落紅多

循初過嘉樹堂見丁香盛開以詩遙寄次韻奉荅  
閉門連日雨如絲檢點行裝懶賦詩回憶筍巢巢外樹丁  
香開徧最繁枝

故人貽我詩一紙無限相思說此花寂寞春風臺榭冷香  
飄春夢隔天涯

寄汪西顥

武昌丹樓霞作堆楚江蘭葉春風催素書一紙魚雁猜懷  
人夢繞層城隈青門憶昨暫追陪陣雲秋湧山響雷不眠  
共舉深夜杯數年蹤跡窮根荳分袂遽悵東溯洄場苗無  
術羈龍駭別後荏苒郭隗臺月輪圓缺珠屢胎憐君弔古  
鄂都隕庾亮清談應獨推我愧京華履任纔寓齋未放屋  
角梅忽擬天南倚崔嵬身無雙翼空徘徊紛呈剡章舉異  
才伯樂顧及驚與駘初疑六詔猶叩峽旋望五嶺霍陽開  
高堂視膳念背鮐稚子牽袂嗟嬰孩行當就程轉自怡捧  
檄難復似老萊舊館遑惜荒青苔小築一任生塵埃卻喜

楚粵竝南陔郵筒庶不憚往回荔子堪分浦上栽橘奴豈  
少洲邊枚新詩連翩大可裁因君翹首思悠哉

銅鼓書堂遺稿卷八

男淳孫

樞林

校刊